

ԿՐԹԱԿԱՆ

ԹԵՐԵԶԱ ԶԻՎԶԱՆ. «ՇՐՋԱՆԱԿԱՐՏՆԵՐԻ ԿԵՍԻՑ ԱՎԵԼԻՆ ՆԱԽԸՆՏՐՈՒՄ Է ՈՒՍԱՆԵԼ ՎՐԱՍԱՆԻ ԲՈՒՅԵՐՈՒՄ»

Դպրոցը ոչ միայն լեզվի, մշակույթի կամ ազգային ինքնագիտակցության, այլև անձի ծեփավորման ամենակարևոր օղակն է: Այս կառույցի կարևորությունը հաճախ արժեւորվում է հենց գյուղերում, շրջաններում, ուր դպրոցը դառնում է երեխայի կամ պատանու զբաղվածության ու ինքնադրսեւորման միակ վայրն ու միջոցը: «Վրաստան» թերթի այս վերջին համարներում մենք հաջողությամբ ներկայացնում ենք երկրի հայկական դպրոցներում տիրող իրավիճակը՝ երբեմն գոհացնող, իսկ առավել հաճախ մտահոգող: Մեր հերթական անդրադարձը վերաբերում է Ախալքալաքի մունիցիպալիտետին, ուր գործում է 65 հանրային դպրոց, այստեղից 55-ը՝ հայկական: Վերջին երկու տասնամյակների ընթացքում շրջանում կառուցվել է 6 դպրոց, այստեղից 5-ը՝ հայկական: Կառուցվել են սպորտային դահլիճներ, մարզադաշտ, ներքերվել է նոր կահույք, տեխնիկա: Այդուհանդերձ, կան չլուծված խնդիրներ (եւ ոչ միայն երկրի հայկական դպրոցներում), որոնք այս կամ այն չափով շարունակում են խոչընդոտել ուսումնական առավել արդյունավետ ընթացքը: Թեմայի շուրջ մեր գրուցակիցը Ախալքալաքի մունիցիպալիտետի ռեսուրս-կենտրոնի ղեկավար Թերեզա Զիվջանն է, ով կառույցը ղեկավարում է 2016 թվականից:

- Երեւի սկսե՞նք դրական տեղաշարժերից: Ինչպիսի՞ն էր 2017-2018 ուսումնական տարին:

- Շատ ավելի արդյունավետ, կառուցողական, նաեւ պատմական, որովհետեւ այս տարի բացեցինք երեք հիմնանորոգված դպրոց: «Հազարամյակի մարտահրավերներ» (Millennium Challenge) հիմնադրամի եւ Վրաստանի կրթության եւ գիտության նախարարության համագործակցության արդյունքում ամբողջությամբ վերանորոգեցինք Ախալքալաքի թիվ 4 եւ Կարտիկամի դպրոցները, ինչպես նաեւ տեղի բարերարների նյութական աջակցությամբ՝ Գունբուրդ գյուղի դպրոցը, որ համապատասխանում է եվրոպական չափանիշներին եւ միակն է տարածաշրջանում որպես այդպիսին: Մեկ այլ բարերարի ֆինանսավորմամբ գազիֆիկացվեց Արազկա գյուղի դպրոցն ու վերանորոգվեց մարզադահլիճը:

- Իսկ կա՞նք դպրոցներ, որոնք ինքնաֆինանսավորմամբ են գոյատևում:

- Հոգալ բոլոր կարիքները դժվար է, բայց մասնակի վերանորոգչական աշխատանքներ իրականացվում են: Վրաստանի կրթության նախարարությունը մշտապես արձագանքում է ուշադրության է առնում շրջանի դպրոցներին անհրաժեշտ պահանջները: Դպրոցներն ամեն տարի ապահովվում են նոր դասագրքերով: 2017-2018 ու-

սումնական տարվա սկզբին դպրոցները ստացան նաեւ առաջինից իններորդ դասարանների Հայոց լեզու, Գրականության, այլ դասագրքեր: Դպրոցների գերակշիռ մասն ապահովված է դպրոցական գույքով, թեւ գործընթացը շարունակական է եւ՝ նորացնելու խնդիրն արդիական: Չնայած այս ամենին, դեռ կան խնդիրներ, եւ մեր աշխատանքի հիմնական նպատակը հենց այդ խնդիրները նվազագույնի հասցնելն է:

- Որքա՞ն աշակերտ է սովորում շրջանի 55 հայկական դպրոցներում:

- 6057 աշակերտ: Այս տարի շրջանավարտների թիվը կազմում էր 441: Ուրախությամբ փաստենք, որ արդեն երկրորդ դասարան փոխադրվող աշակերտների թիվը 583 է:

- Եթե հետևե՞նք վիճակագրությանը, ապա՞...

- Տատանումներ կան, անշուշտ: Այսպես, երեք տարիների ընթացքում արձանագրեցինք հետեւյալ պատկերը՝ 2015-2016 ուսումնական տարում՝ 485, 2016-2017-ին՝ 649, 2017-2018-ին՝ 583 առաջին դասարանի: Ինչ վերաբերում է 2018-2019 ուսումնական տարվան, ապա վերջնական տվյալները հայտնի կդառնան քիչ ավելի ուշ:

- Այս տարի ավարտական քննությունները լուրջ մտահոգություն են առաջացրել, քանի որ երկրի 39 000 շրջանավարտից 11 000-ը չի հաղթահարել քննապատմեշը: Ինչպիսի՞ն է իրավիճակը շրջանում:

- Այո, իրականում սա լուրջ խնդիր է... Մեր շրջանում էլ ավարտական քննություններին մասնակցած 509 աշակերտից մոտավորապես 180-ը չհաղթահարեց նվազագույնի սահմանը:

- Ո՞րն է պատճառը...

- Սա երեւի գլոբալ բնույթ ունի, եւ խնդիրը ենթակա է շատ ավելի լուրջ գնահատման:

- Այդուհանդերձ, ըստ USAID հետազոտության, 2017 թվականին բարձրագույն ուսումնական հաստատություններ դիմողների թիվը եռապատկվել է: Այս տարի նույնպե՞ս:

- Իսկապես շրջանում բուհ ընդունվողների ամսախառնակը աճ է գրանցվել նաեւ այս տարի. տասից ինը դիմորդ է: Ընդ որում, դիմորդների կեսից ավելին նախընտրում է ուսումը շարունակել Վրաստանում: Նշենք, որ Ախալքալաքիում, Ախալցխիսեում գործում են թբիլիսիի պետական համալսարանի մասնաճյուղեր, որոնք ունեն հումանիտար եւ հասարակական գիտությունների, բիզնեսի կառավարման, իրավագիտության, ճարտարագիտական, գյուղատնտեսական եւ բնական գիտությունների ֆակուլտետներ:

- Այս ամենը, հավանաբար, խոսում է այն մասին, որ տարեցտարի առավել արդյունավետ է դառնում վրաց լեզվի դասավանդումը...

- Այո, առաջընթացն իսկապես ակնհայտ է: Մեր աշակերտները սկսել են ավելի



լավ տիրապետել վրացերենին եւ դա ապացուցվում է ոչ միայն նրանց ակտիվ մասնակցությամբ, այլև հաղթանակներով տեղական ու հանրապետական, ինչպես նաեւ՝ միջազգային մրցույթներին, առարկայական օլիմպիադաներին: Հետեւաբար նաեւ դիմորդների թվի աճով: Մասնավաճ, եթե ուսումը շարունակում են թբիլիսիում, ապա վրաց լեզվով շվեյցարիական համալսարաններում առավել են մեծանում: Թեւ շրջանում այդ ուղղությամբ մեծ առաջընթաց նույնպես ունենք. գործում են մի շարք ծրագրեր, անցկացվում են լրացուցիչ պարապմունքներ, որտեղ դպրոցները ցուցաբերում են առավելագույն մասնակցություն:

- Իսկ մայրաքաղաքից վերադառնում են... Օրինակ, գիտենք, որ հաջողությամբ ավարտելով Բաթումիի Շ.Ռուսթավելու անվան համալսարանը եւ առաջարկ ստանալով աշխատել տեղի հեղինակավոր հաստատություններից մեկում, Դուք, այդուհանդերձ, վերադարձա՞ք ձեր հարազատ բնակավայր:

- Այո, իսկապես ցավում եմ, որ ծննդավայր ոչ բոլորն են վերադառնում: Կան օբյեկտիվ եւ սուբյեկտիվ պատճառներ: Այնուամենայնիվ, կուզեի նաեւ «Վրաստան» թերթի միջոցով կոչ անել բոլորին, վերադառնալ հարազատ օրրան եւ մասնագիտական հմտություններն ու գիտելիքները կիրառել հոգուտ մեր սեփական ծննդավայրի եւ տարածաշրջանի: Այսպես օրինակ, մեր մունիցիպալիտետի մի շարք դպրոցներ ունեն բնագիտական առարկաների ուսուցիչների պակաս, ինչը զգալի է հատկապես շրջանի հեռավոր գյուղերի դպրոցներում: Ցավոք, միայն դպրոցը չէ, որ ունի երիտասարդ կադրերի պակաս: Ասենք նաեւ, որ այս հիմնախնդիրը բնորոշ է ոչ միայն մեր շրջանին, այլ ողջ Վրաստանին:

- Ի՞նչ հաճախականությամբ են վերապատրաստվում մանկավարժները:

- Եվ ոչ միայն մանկավարժները, այլև տնօրենները: Այս հարցում մեծ ներդրում ունի «Հազարամյակի մարտահրավերներ» հիմնադրամը, որի շրջանակներում պարբերաբար վերապատրաստվում են STEM (Science, Technology, Engineering, Mathematics) գիտություն, տեխնոլոգիա, ճարտարագիտություն, մաթեմատիկա) առարկաների ուսուցիչները, դպրոցների տնօրենները եւ ֆասիլիտատորները (դասընթացավար): Թբիլիսիի Ուսուցչի տանը նույնպես անցկացվում են կոնֆերանսներ, համդիպուսներ, դպրոցներին անվճար տրամադրվում է հատուկ մեթոդական գրականություն:

- Պարզ ճշմարտություն է, որ հատկապես գյուղի դպրոցում գործող մանկավարժը հաճախ նմանվում է առաքյալի, ինչպես նաեւ այն, որ հաճախ հենց գյուղում ուսանած աշակերտն է հետագայում բարձունքների հասնում, համեմայնդե՞յա, անցյալի փորձն այդպիսին է:

- Այո, իսկապես այդպես է: Մենք այսօր էլ ունենք փայլուն շրջանավարտներ ու նաեւ նվիրյալ մանկավարժներ, որոնք ջանք չեն խնայում իրենց գործում: Ուստի ուրախ եմ, որ, վերջին շրջանում, դպրոցին մեծ ուշադրություն են հատկացնում նաեւ տեղի ծնունդ գործարարները՝ իրենց անգնահատելի մասնակցությունը բերելով դպրոցի շինարարության մեջ ոչ միայն արտաքին տեսքի, այլև ուսումնառության անհրաժեշտ պարագաների առումով: Գործի մեջ կարեւորը նվիրումն է, մասնավաճ՝ մանկավարժի, որովհետեւ նա է կյանք ճանապարհող, թերեւս, ամենակարեւորներից մեկը:

ՆՈՐՈՒՅԹ



ՄԱԳԹԻ ԱՌԱՋԱՐԿՈՒԹՅՈՒՆԸ ՏԱՐԱԾԱԵՐՋԱՆՆԵՐԻՆ

ՀԱՄԱՑԱՆՑ, ՀԵՌՈՒՍՏԱՏԵՍՈՒԹՅՈՒՆ ԵՎ ԱՌԱՆՑ ԼԻՄԻՏԻ ԽՈՍԱԿՑՈՒԹՅՈՒՆ ԲԶՋԱՅԻՆՈՎ, ԱՄՍԱԿԱՆ՝ 29 ԼԱՐԻՈՎ



Օպտիկական – մանրաթելային համացանց 20 մգ/վրկ փաթեթ



IP հեռուստատեսություն Վերափաթեթավորման գործառույթով – 98 ալիք



Բջջային հեռախոս ՄԼՐՎԻՍ «ՄԼՐՈՆԵ», առանց լիմիտի խոսակցություն Մագթիկումի բջջային ցանցով՝ ընտանիքի 4 անդամների միջև



Նվեր
• WiFi սարք տանը՝ համացանցի ազդանշանի տարածման համար
• Հեռու ստատեսության 1 լրացուցիչ փաթեթ

ԱԿՑԻԱ

Ավելացրեք ընդամենը 3 լարի եւ ստացեք ավելի Համացանցի արագությունը +10 մբ/վրկ (30 մբ/վրկ) IPTV-ի +1 լրացուցիչ փաթեթը՝ նվեր

Ծրագրերի մուտքագրումը՝ անվճար

Առաջարկությունը ուժի մեջ է միացումից հետո 2 տարվա ընթացքում



Կոտայքի՝ 11 00 11 – բջջային ցանցով, 032 217 00 00 – ցանկազատ ցանցով

ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ՕՐԵՆՍԴՐՈՒԹՅՈՒՆ

ԲԱՆՏ՝ «ԵՂՐԱՐԳԱՆՎԱՅԻ» ՆԱՍԱՐ

Այն, որ քննությանը արտագրելը վաղ բան է հայտնի փաստ է. դա կարող է դառնալ արեստարտից զրկվելու պատճառ: Սակայն լսել եմ, որ առանձին երկրներում դրա համար պարփոշը բավական խիստ է: Ընդհար է դա:



Ա.Սիմոնյան

Ախալքալաքի

Որքան էլ տարօրինակ հնչի, Չինաստանում քննություններին արտագրելը ավելի քան վտանգավոր է: Այդ երկրում քննություններին արտագրելը հավասարեցված է քրեական հանցագործության ել կարող է ավարտվել արգելափակմամբ:

Ներկայումս Չինաստանում ընթացքի մեջ են ավարտական քննությունները, որոնք կոչվում են «Գառկառ»: Դրանք ընթացքը նման է մեր ավարտական քննություններին: Քննությունը հաջող հանձնած աշակերտները ստանում են Չինաստանի հեռանկարային ել լավագույն բուհերում ուսումը շարունակելու հնարավորություն: Տվյալ պարագայում հատկանշական է այն, որ պետությունն ինքն է վերահսկողություն սահմանում քննությունների ընթացքին: Սկսած 1916 թվականից, քննությանը արտագրելիս բացահայտված աշակերտը քրեական պատասխանատվության էր ենթարկվում: Դա արձագանքվում է ոչ միայն փաստաթղթերում, այլև՝ երեք տարվա ազատազրկմամբ: Ընդամենը, նշանակում են նաեւ դրամական տուգանքներ, թեպետ գումարն այնքան մեծ է, որ շատերը չէ, որ կարող են թույլ տալ նման բավականություն: Ավելացնենք, որ, նման խախտում թույլ տված աշակերտը, զրկվում է երեք տարվա ընթացքում քննությունը վերահանձնելու հրավումբից:

ԳԻՏԵՔ, ԱՐԴՅՈՒՐ...

ԿԵՍԱՐՅԱՆ ՀԱՏՈՒՄ, ԹԵ՛ ՖԻԶԻՈԼՈԳԻԱԿԱՆ ՏՆԵՎԲԵՐՈՒԹՅՈՒՆ



Վրաստանի մոտ 15 ծննդատուն տուգանվել է՝ չափազանց շատ կեսարյան հատման վիրահատությունների համար: Ծննդատներն իրավունք ունեն, առանց բժշկի ցուցումների, կատարել որոշակի թվով կեսարյան հատում: Այդ ծննդաբերությունների ընդհանուր թիվը 40% է: Այդ ցուցանիշը գերազանցելու դեպքում կտուգանվեն:

Չինական հանրապետության պետական օրագիրը հատկացնում է կլինիկային 500-ական լարի՝ ֆիզիոլոգիական ծննդաբերությունների համար, իսկ կեսարյան հատման համար՝ 800-ական լարի: Սակայն, այն դեպքում, եթե վիրահատությունը կատարվում է ոչ թե բժշկական ցուցանիշներով, այլ ծննդաբերողի ցանկությամբ, ապա, պետությունը վճարում է ոչ թե 800 լարի, այլ ֆիզիոլոգիական ծննդաբերությունների համար նախատեսված գումարը՝ 500 լարի:

Տուգանքային պատժամիջոցները, ծննդատների հետ պայմանագրերում, պայմանավորված է մտցնել 2017 թվականի մարտի 1-ից: Սկզբից հաշվետու ժամանակահատվածը սահմանված էր վեց ամիս, այնուհետև՝ երկարաձգվեց մեկ տարով: Արդյունքում, տուգանվել են այն կլինիկաները, որտեղ հաշվետու ժամանակահատվածում կեսարյան հատումների տոկոսային ցուցանիշը չի նվազել: Այս պայմանը ծննդատների հետ կկազմվի նոր պայմանագրերով: Տուգանքների նպատակը կեսարյան հատումների քանակի նվազեցումն է:

Հիվանդությունների վերահսկման ազգային կենտրոնի տվյալներով, 2016 թվականին, Վրաստանում կեսարյան հատումների թիվը ծնելիության ընդհանուր թվի 43%-ն է, ինչը գրեթե երեք անգամ գերազանցում է Առողջապահության համաշխարհային կազմակերպության ստանդարտները:

ԱԿՆՀԱՅՏ ՆՃԱՆՆԵՐ, ՈՐ ՃԻՇՏ ԵՔ ԴԱՍՏԻԱՐԱԿՎԵԼ

Սովորաբար, շփման առաջին իսկ րոպեներից, մենք կարողանում ենք հստակ ասել՝ որքանով է դաստիարակված մարդը: Այս գործում մեզ օգնում է ոչ թե մի առանձին գործոն, այլ բազմաթիվ մանրուքներ, որոնք մեզ հնարավորություն են տալիս հետախոյզք նետել տվյալ մարդու անցյալին: Նույն հեշտությամբ մենք կարող ենք ճանաչել այն մարդկանց, ովքեր երբեք էթիկայի կարելու դասեր չեն ստացել իրենց ծնողներից: Thejzn.com կայքը գրում է, որ այս 14 նշանները ցույց են տալիս, որ երեխան ճիշտ դաստիարակություն է ստացել:

1. Դուք ոչ միայն բարի եք, այլև համեստ: Դաստիարակված երեխաները ցանկանում են օգտակար լինել: Մեծ պլյուս է, եթե երեխան դրա համար իր սեփական ձեռն է գտնում, եւ պարզապես հրաշալի է, երբ հետո նա չի հիշեցնում այդ մասին:

2. Դպրոցում դուք երբեք չեք նյարդայնացրել ուսուցիչներին: Յուրաքանչյուր ուսուցիչ ճանաչում է աշակերտներին, ովքեր պարտադիր «բարի առավուտ» են ասում, երբ դասատենյակ են մտնում, աշակերտներին, ովքեր «շնորհակալություն» են ասում, եւ նույնիսկ աշակերտներին, ովքեր «ներեցեք ինձ» են ասում:

3. Հարգում եք ուրիշի սեփականությունը: Երեխաների հետ խաղալու գնալուց առաջ, դաստիարակված երեխան անպայման թույլտվություն կհարցնի իր ծնողներից: Դա խոսում է այն մասին, որ նրան սովորեցրել են ոչ միայն հարգել մյուսների իրերը, այլև հոգ տանել անձնական անվտանգության մասին:

4. Հարգում եք ձեր ժամանակն ու փողերը: Լավ է, երբ ծնողները ձեզ սովորեցրել են միշտ 15 րոպե առաջ հանդիպման գալ: Հստակությունը թագավորների քաղաքավարությունն է:

5. Կարողանում եք ուտել ճիշտ, էթիկայի կանոններին համապատասխան: Դաստիարակված երեխաներն ուտում են փակ բերանով եւ աշխատում են այդ ընթացքում խուսափել տհաճ ձայներից:

6. Կարողանում եք պարտվել: Դաստիարակված երեխան ունակ է ոչ միայն հասնել իր առջեւ դրված նպատակներին, այլև պարտվել՝ միաժամանակ չկորցնելով իր դեմքը: Սա անձնակարելու որակներից մեկն է, որին մեզ պետք է սովորեցնեն մեր

ծնողները:

7. Պատրաստ եք կիսվել: Իր խաղալիքներով եւ քաղցրեղենով կիսվելու՝ երեխայի կարողությունը ոչ միայն բարության նշան է, այլև՝ դաստիարակված լինելու:

8. Կարողանում եք խոստովանել



ձեր սխալները: Երբ դաստիարակված մարդիկ սխալվում են եւ հասկանում են դա, նրանք պարզապես ներողություն են խնդրում եւ փորձում այդ սխալները նորից չկրկնել: Անդաստիարակ մարդկանց մեծ մասը կժխտի իր սխալ լինելը մինչեւ վերջ:

9. Ընդունակ եք համբերատար սպասել ձեր հերթին: Երբեմն շատ հետաքրքիր է հետեւել մարդկանց մթերային խառնուրդին: Նրանք, ուն ծնողները մանուկ հասակում ճիշտ են դաստիարակել, հանգիստ սպասում են իրենց հերթին: Նրանք առաջ չեն ընթանում՝ առանց հարցնելու՝ միայն այն պատճառով, որ շատ լավ են: Նրանք ճիշտ չեն համարում ստանալ այն անձնը, ինչ ուզում են ցանկացած պահի: Իսկ շատ մեծահասակներ, ովքեր լավ դաստիարակություն չեն ստացել, հասարակական վայրերում իրենց երեք տարեկանից փոքր երեխայի նման են պահում:

10. Ձեզնից հետո թափփված չեք թողնում: Ճիշտ դաստիարակված երե-

խաները պարզապես ընդունակ չեն իրենց ետեւից ամեն ինչ թողնել այնպես, ինչպես կա՝ մյուսներին անհարմարություն պատճառելով: Նրանք սովոր են մաքրել իրենց ետեւից եւ նույնը պահանջում են շրջապատից:

11. Կարող եք իրավիճակին ուրիշի աչքերով նայել: Դաստիարակված մարդիկ երբեք չեն ասի՝ «Նա դա անում է, որովհետեւ հիմար է»: Դրա փոխարեն դուք կարող եք նրանցից լսել հետեւյալը՝ «Եթե նա այդպես է մտածում, կարող եմ հասկանալ նրան, չնայած ինքս այդպես չէի վարվի»: Այդպիսի երեխաները մեծանալով՝ դառնում են մարդիկ, ուն հետ կարելի է բանավիճել: Նրանք պարտադիր կներկայացնեն իրենց փաստարկները, բայց կհարգեն դիմացինի կարծիքն այնքան, որ չփորձեն մարդուն համոզել ցանկացած գնով:

12. Ուզում եք, որ մարդիկ իրենց հարմարավետ զգան ձեր կողքին: Սա դաստիարակված մարդու կարելու հատկություն է, որը հեշտ է ձեւավորել երեխայի մոտ, եթե խրախուսեք, որ նա խաղա մյուս երեխաների հետ: Միայն այս ձեւով նա կկարողանա հոգ տանել այն մասին, որպեսզի խաղի մասնակիցներն իրենց ուրախ զգան, եւ ոչ՝ պարտադրված:

13. Կարողանում եք գնահատել դիմացինի աշխատանքը: Լավ է, երբ մարդիկ գիտեն, թե որքան ժամանակ է մայրիկը ծախսում նախաճաշի պատրաստման վրա: Հրաշալի է, երբ հայրը երբեմն աշխատանքն իր վրա է վերցնում՝ ցույց տալով, որ գումարը հեշտությամբ չի վաստակվում: Մեծանալով՝ այս երեխաները պարտադիր հարգանքով կվերաբերվեն ուրիշի աշխատանքին:

14. Հարգում եք մյուսների անձնական տարածքը: Դաստիարակված մարդիկ դեռ վաղ հասակից գիտեն, որ մարդիկ շատ են զայրանում, երբ առանց հարցնելու «նստում են նրանց գլխին»՝ պահանջելով չափազանց շատ ուշադրություն: Դա հասկանալով մանուկ հասակում՝ դուք պոժմ էլ կարող եք ճիշտ հեռավորություն պահել շրջապատի հետ:

ԹԵՎԱՎՈՐ ՄՏՔԵՐ

Ապստամբ ժողովրդին միայն Աստված կարող է հաղթել:
ԳԱՐԵԳԻՆ ՆՇԴԵՅ
(1888-1955)
Հայ զորավար
Չեմ բաժանում լավը վատից, գի պակաս է ուսումը իմ...
ԴԱՎԻԹ ԳՈՒՐԱՄԻՇՎԻԼԻ
(1705-1791)
Վրաց բանաստեղծ
Մեզնից յուրաքանչյուրը հրաշագործ է: Մենք կարող ենք հեշտությամբ թափփծն ուրախության վերածել, անհաջողությունը հաղթանակի, իսկ միայնությունը եւ հուսահատությունը՝ երջանիկ կյանքի:
ԼԵՎ ՏՈԼՍՏՈՅ
(1828-1910)
Ռուս գրող
Ամենադաժան բռնակալությունն այն է, որը հանդես է գալիս օրինակազանության հովանու տակ եւ՝ արդարության դրոշի ներքո:
ՇԱՌԼ ԴԵ ՄՈՆՏԵՍՔԻԵ
(1689-1755)
Ֆրանսիացի գրող
Միակ մարդը, ուն հետ դուք պետք է ձեզ համեմատեք, դուք եք՝

անցյալում: Եվ միակ մարդը, ունից ավելի լավը պետք է լինեք, դուք եք՝ այսօր:
ՋԻԳՄՈՒՆԴ ՖՐՈՅԴ
(1856-1939)
Ավստրիացի հոգեբան
Սովորաբար այն մարդիկ, ովքեր շատ հաճախ են ներում եւ շատ երկար են դիմանում, հեռանում են անսպասելի եւ անվերադարձ:
Ա.Ավագյան
«Վրաստանի» ընթերցող



© Մարդ ու կին մտնում են թատրոն: Մարդը՝ - Չէ, դու իզուր ստիպեցիր, որ ես նոր կոստյումս հագնեմ:
- Ի՞նչ ես ասում, սիրուհիս, ախր քեզ էնքան ասագում:
- Հա, բայց տոմսերը ախր հնում մնացին:
© Երկու ընկեր գրու-

մում են:
- Գիտե՞ս, ամուսնանալուց առաջ ես կնոջս էնքան էի սիրում, էնքան էի սիրում... քիչ էր մնում բռնեի ուտեի:
- Իսկ հիմա՞:
- Հիմա էնքան եմ փոշմանել, որ չեմ կերել:
© Ամուսինը հարցնում է կնոջը.
- Ինչի՞նչ է պետք նոր վերարկուն. ինչո՞վ հինը քեզ չի բավարարում:
- Ախր հինը ցեցը կերել է:
- Ուրեմն, ցեցին դուր է գալիս, քեզ չէ՞:

© Երիտասարդ գույզը նստում է մի փոքրիկ ֆրանսիական ռեստորանում: Տղամարդը ուսումնասիրում է մենյուն ու ասում.
- Սենց տեղերում նե՛նց դժվար ա մի բան պատվիրելը:
- Դու ավելի լավ ա, «Շտապ օգնություն» գանգի... ամուսինս գալիս ա:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՄՏԵՂԾՎԵԼ Է ԸՆՏՐԱԿԱՆ ՕՐԵՆԱԴՐՈՒԹՅԱՆ ԲԱՐԵՓՈՒՄՆԵՐԻ ՀԱՆՁՆԱԺՈՂՈՎ

Հայաստանի վարչապետ Նիկոլ Փաշինյանի որոշմամբ՝ ստեղծվել է Հայաստանի վարչապետին առընթեր ընտրական օրենսդրության բարեփոխումների հանձնաժողով:

Հանձնաժողովի նախագահն է առաջին փոխվարչապետ Արարատ Միրզոյանը: Հանձնաժողովի կազմում ընդգրկված են նաև Արդարադատության նախարար Արտակ Ձեյնալյանը, Տարածքային կառավարման եւ զարգացման նախարար Սուրեն Պապիկյանը, Կենտրոնական ընտրական հանձնաժողովի նախագահ Տիգրան Մուկուչյանը, քաղաքացիական հասարակության ներկայացուցիչներ:

Ավելացնենք, որ Հայաստանի Ազգային ժողովի «Հայաստանի Հանրապետական կուսակցություն», «Ծառուկյան», «Ելք» եւ «Հայ Յեղափոխական դաշնակցություն» խմբակցությունները համատեղ հայտարարություն են տարածել այն մասին, որ պատրաստակամ են սկսել քննարկումներ՝ ընտրական օրենսգրքի փոփոխությունների շուրջ:

Հանդիպումներում եվրամիության բարձրաստիճանավորները ողջունեցին Հայաստանում տեղի ունեցած փոփոխությունների խաղաղ բնույթը, միաժամանակ, վերահաստատելով ԵՄ-ի պատրաստակամությունը աջակցելու Հայաստանում ընթացող բարեփոխումների գործընթացին:

Ձրուցակիցները մտքեր փոխանակեցին Հայաստան-Եվրոպական միություն համագործակցությանն առնչվող հարցերի շուրջ:

ԵՎՐԱՄԻՈՒԹՅՈՒՆԸ ՈՂՋՈՒՆՈՒՄ Է ՀԱՅԱՍՏԱՆՈՒՄ ՏԵՂԻ ՈՒՆԵՃԱԾ ՓՈՓՈՒՄՆԵՐԻ ԽԱՂԱՂ ԲՆՈՒՅԹԸ



Հայաստանի արտաքին գործերի նախարար Ջոիրաբ Մնացականյանը, Բրյուսել կատարած աշխատանքային այցի շրջանակներում, հանդիպումներ ունեցավ Եվրոպական Միության արտաքին գործերի եւ անվտանգության քաղաքականության հարցերով բարձր մեթոդաբանության հանձնաժողովի փոխնախագահ Ֆեդերիկա Մոգերինիի, Եվրոպական հանձնաժողովի հարեւանության եւ ընդլայնման հարցերով հանձնակատար Յոհանես Հանի, միության այլ պաշտոնատար անձանց հետ:

Հանդիպումներում եվրամիության բարձրաստիճանավորները ողջունեցին Հայաստանում տեղի ունեցած փոփոխությունների խաղաղ բնույթը, միաժամանակ, վերահաստատելով ԵՄ-ի պատրաստակամությունը աջակցելու Հայաստանում ընթացող բարեփոխումների գործընթացին:

Ձրուցակիցները մտքեր փոխանակեցին Հայաստան-Եվրոպական միություն համագործակցությանն առնչվող հարցերի շուրջ:

ՉԵՐԲԱՎԱԿՎԵԼ Է ԳԵՆԵՐԱԼ ՄԱՆՎԵԼ ԳՐԻԳՈՐՅԱՆԸ

Հունիսի 19-ին, Երևանի ընդհանուր իրավասության դատարանը որոշում է կայացրել՝ բավարարել Հայաստանի գլխավոր դատախազ Արթուր Դավթյանի միջնորդությունը՝ Ազգային ժողովի պատգամավոր Մանվել Գրիգորյանի նկատմամբ կալանքը որպես խափանման միջոց կիրառելու վերաբերյալ: Մանվել Գրիգորյանը կալանքի տակ կմնա երկու ամիս:

Նշենք, որ Հայաստանի Ազգային ժողովը հունիսի 19-ին արտահերթ նիստում քննարկեց եւ փակ գաղտնի քվեարկությամբ՝ 77 կողմ, 3 դեմ ձայներով հավանություն տվեց պատգամավոր Մանվել Գրիգորյանի նկատմամբ քրեական հետապնդում հարուցելու եւ նրան ազատությունից զրկելու համաձայնություն տալու Հայաստանի գլխավոր դատախազի միջնորդություններին:

Կամ նրա փաստացի տիրապետության տակ գտնվող առանձնատներում, ավտոմեքենաներում, շենքերում, շինություններում կատարվել են 6 խուզարկություններ, որոնց արդյունքում հայտնաբերվել են մեծ քանակությամբ հրազեն եւ զինամթերք, ինչպես նաև 71.760.000 ՀՀ դրամ, 80.000 ԱՄՆ դոլար, 67.350 եվրո, 246.500 ուկրաինական արժույթ:

Բացի այդ, Արմավիրի մարզի Արշալույս գյուղի եւ Էջմիածին քաղաքի համապատասխան հասցեներում գտնվող շինություններում, հայտնաբերվել է 33 տրանսպորտային միջոց, այդ թվում՝ «Ռոյս Ռոլս», «Տոյոտա Լանդկրաու-

զեր», «Մերսեդես», «Համմե», «Ռենջ ռովեր սուպերչարջ», ինչպես նաև՝ խորհրդային արտադրության նաև կոլեկցիոն ավտոմեքենաներ, այդ թվում՝ զինվորական նշանակության տրանսպորտային միջոցներ:

Արմավիրի մարզի Արշալույս գյուղում կենդանիներ պահելու համար առանձնացված հատվածում հայտնաբերվել են Երևանի եւ մարզերի տարբեր դպրոցների աշակերտների եւ ուսուցիչների կողմից հավաքագրված գումարներով՝ ապրիլյան քառօրյա պատերազմի մասնակիցների համար որպես օգնություն ուղարկված տասնյակ հազարավոր խտացրած կաթ, մսի պահածոներ, արկղերով ներքնաշոր:

Պահածոների, խտացրած կաթի տուփերի միջոց եւ արկղերի վրա հայտնաբերվել են՝ «Իմ քաջ զինվոր» վերտառությամբ աշակերտների գրառումներ:

ՏՆՏԵՍԱԿԱՆ ԱՎՏՊՈՒԹՅԱՆ ԱՃԸ ԿԱԶՄԵԼ Է 8,6 ՏՈՎՈՍ

Հայաստանի տնտեսական ակտիվության ցուցանիշը, 2018 թվականի հունվար-մայիսին, 8.6 տոկոսով գերազանցել է նախորդ տարվա նույն ժամանակահատվածի ցուցանիշը: Հայաստանի ազգային վիճակագրական ծառայության տվյալներով՝ աճ է գրանցվել բոլոր ցուցանիշների գծով՝ բացառությամբ էլեկտրաէներգիայի արտադրության ոլորտի, որտեղ այն նույնն է մնացել: Ընթացիկ տարվա հինգ ամսվա ցուցանիշներով՝ շինարարության ոլորտում աճը կազմել է 17.4 տոկոս, գյուղատնտեսության համախառն արտադրանքի ծավալն աճել է 1.5 տոկոսով, էլեկտրաէներգիայի արտադրության ոլորտում 2018 թվականի հունվար-մայիսի ցուցանիշը մնացել է նույնը՝ նախորդ տարվա նույն ժամանակահատվածի համեմատ:

ՀԱՅԱՍՏԱՆԸ՝ ՄԱԿ-Ի ՏՆՏԵՍԱԿԱՆ ԵՎ ՍՈՑԻԱԼԱԿԱՆ ՀԱՐՅՈՒՄԻ ԽՈՐՀՐԳԻ ԱՆՊՍԵ

Նյու Յորքում ՄԱԿ-ի Գլխավոր ասամբլեայի 72-րդ նստաշրջանի լիազումար նիստի ընթացքում կայացած ընդունումների արդյունքում, Հայաստանը երեք տարի ժամկետով ընտրվել է ՄԱԿ-ի Տնտեսական եւ սոցիալական խորհրդի (ECOSOC) անդամ: Խորհուրդը համակարգում է ՄԱԿ-ի մասնագիտացված գործակալությունների, ֆունկցիոնալ հանձնաժողովների, ծրագրերի եւ հիմնադրամների ու տարածաշրջանային հանձնաժողովների աշխատանքները՝ տնտեսական, սոցիալական, բնապահպանական եւ հարակից ոլորտներում: ՄԱԿ-ի հիմնական մարմին հանդիսացող այս կառույցին անդամակցում է 54 երկիր:

ՄԱՅՆՅԵԼ Է ԻԳՈՐ ՍՈՒՐԱԳՅԱՆԸ

Հունիսի 17-ին, Երևանում, մահացել է Հայաստանի Հանրապետության Հարթման հիմնադրամի իգոր Սուրադյանը: Իգոր Սուրադյանը մահացել է երկարատև հիվանդությունից հետո: Նա վերջին շրջանում բուժվում էր ԱՄՆ-ի կլինիկաներից մեկում, վերադարձել էր օրերս:



ԻՋԵՎԱՆ. ՄԵԿ ԺԱՄ՝ ՀԱՅԱՍՏԱՆԻ ՎԱՐՉԱՊԵՏԻ ԾՆՈՂՆԵՐԻ ՏԱՆԸ

Հայաստանի նոր վարչապետի ծնողներն ապրում են Իջևանում գտնվող համեստ տանը, հպարտանում ժողովրդով ու անհանգստանում որդու համար: Sputnik-Հայաստանի թղթակիցը եղավ այդ տանը, մանրամասն ծանոթացավ Հայաստանի ներկայիս ղեկավարի անցած տարիներին:

«Փաշինյան, հյուր ունենք»,- ամուսնուն ձայն տվեց ժպտացող կինը, մի պահ կտրվելով մարզերից: Տանից արագ մանր քայլերով դուրս եկավ մի տղամարդ: Տեսնելով մեզ՝ ողջունեց. «Բարով եք եկել, համեցեք: Տանը թթի օղի ունեն: Ինձ բժիշկներն արգելել են, սակայն ձեզ կարելի է, համեցեք, համեցեք»:

«Նոր վարչապետի ծնողների տունը գտնվում է Իջևանի Բլբուլյան կոչվող թաղամասում: Տունը փոքր բանջարանոցով եւ թախտ-ճոճանակով ոչնչով աչքի չէր ընկնում: Հենց այստեղ է անցել Հայաստանի այսօրվա վարչապետի պատանեկությունը:

«Վերջին անգամ Նիկոլին տեսանք մայիսի 8-ին,- պատմում է Փաշինյանի հայրը՝ Վովա Փաշինյանը,- եկավ ու զիջեցին, նստեցինք, խոսեցինք, իսկ վաղ առավոտյան ժամը 5-ին այստեղից մեկնեց Արցախ: Ներկայումս վիթխարի պատասխանատվություն է դրված նրա վրա, սակայն մեր ժողովուրդն անհամբեր է: Քսան տարի կողոպտում էին երկիրը, իսկ հիմա որքանով է հնարավոր մի քանի օրում կամ ամսում ամեն ինչ վերականգնել: Անհանգստանում են որդուս համար՝ հանկարծ ոչինչ չստաց-

վի, հանկարծ չարդարացնի: - Նա անպայման կհասնի իր նպատակին, չէ՞ որ նա համբերատար է,- ամուսնու ասածը լրացրեց Երջանիկ Զիրուխյանը:

«Եթե նա անի այնպես, ինչպես պատկերացնում է, ապա մենք կապրենք հիանալի երկրում»,- համոզված է նա: Քչերը գիտեն, որ Երջանիկ Զիրուխյանը Նիկոլ Փաշինյանի հարազատ մայրը չէ: Այսպես վարչապետը տասներկու տարեկան էր, երբ հիվանդությունից մայրը վախճանվեց:

Հոր խոսքով, Նիկոլի մոտ ըմբոստ բնավորությունը սկսվեց հայտնաբերվել դեռես վաղ տարիքում՝ արդարության համար պայքարը նրա արյան մեջ է: Իր «Բողոքի առաջին ակցիան» նա անցկացրեց դեռես 13 տարեկան հասակում, երբ չհաշտվեց կոմերիտիության հետ:

Նիկոլի հայրը, առաջին կնոջ մահվանից կարճ ժամանակ անց, ամուսնացավ երկրորդ անգամ: Առաջին ամուսնությունից երեք երեխաներ ունեցավ ու դաստիարակել է երկրորդ կինը՝ Երջանիկը: «Գիտե՞ք, ինչքան են ուրախանում, երբ թոռներս ասում են «տատի ջառան»: Ընտանիքը ամենամեծ երջանկությունն է: Արդեն 30 տարի է, ինչ մայր եմ: Ամուսնության առաջին օրերին տղաներին շփոթում էի, թե ով էր նրանցից Արտակը, ով Արմենը, ով Նիկոլը: Իսկ նրանք ինձ համար հարազատից հարազատ են»,- բարի ժպիտը դեմքին խոստովանեց Երջանիկը:

Երջանիկ Զիրուխյանը ամուսնուն անվանում է «Փաշինյան» եւ երբեմն էլ՝ Վովա: Ամուսիններին խնդրեցինք կանգնել կողք-կողք՝ լուսանկարելու համար: Երջանիկն ուղղեց ամուսնու վերնաշապիկը, իսկ իմ առաջարկությանը, որ փաթեթվեմ միմյանց, ամոթխած նշեցին. «վա», մեր տարիքում»:

«Մեզ գրեթե ամեն օր շնորհավորում են եւ, իհարկե, դիմում խնդրանքներով՝ կարող է, արդյոք, Նիկոլը օգնել սրա կամ նրա որդուն աշխատանքի տեղավորելու հար-

ցում, կարող է անել այս կամ այն: Իսկ մենք անգամ չենք ակնարկում, Նիկոլին ոչինչ չենք ասում, գիտե՞ք՝ կենդանա: Նա կկառուցի երկիրը՝ իր շուրջ հավաքելով խելացի, տաղանդավոր, չկոռուստացված մարդկանց եւ՝ ոչ թե ազգականներին»,- ասաց Երջանիկը:

Իհարկե, ծնողները հպարտանում են իրենց զավակով, թեպետ Վովա Փաշինյանն ասաց, որ է՛լ ավելի հպարտանում է իր ժողովրդով: Չէ՞ որ այն հասավ իր նպատակին՝ պաշտպանեց պատիվը, ազատվեց հեղինակագրկված իշխանությունից, իսկ Նիկոլը սովորական մարդ է, ում ժողովուրդը վստահեց եւ հանձնեց կառավարման սանձերը: Հանդիպման ավարտին՝ վարչապետի ծնողները սեղան բացեցին. «Բա առանց խորովածի կթողնե՞նք, որ գնաք»: Հրաժարվելու մեր փորձերին ի պատասխան ասացին, որ կենդանան. նրանց որդին էլ է լրագրող եղել եւ քաջ տեղյակ են, թե ինչ ծանր աշխատանք է դա: Խմեցին ժողովրդի, ապա՝ երկրի կենսաջր, աշխարհին խաղաղություն մաղթեցին, հետո՝ այլ բարեմաղթանքներ:

Բայցեւայնպես, Իջևանի կենտրոնում առետուր անողները ճիշտ են զգուշացրել մեզ՝ «Փաշինյանների տանից ձեզ այդքան շուտ չեն թողնի, հնարավոր է չհասցնեք վերադառնալ: Այնպես որ, եկեք միասին հիմա սրճենք, խմենք նրա ու նրա ծնողների կենացը»:



Երջանիկ Զիրուխյանը ամուսնուն անվանում է «Փաշինյան» եւ երբեմն էլ՝ Վովա: Ամուսիններին խնդրեցինք կանգնել կողք-կողք՝ լուսանկարելու համար: Երջանիկն ուղղեց ամուսնու վերնաշապիկը, իսկ իմ առաջարկությանը, որ փաթեթվեմ միմյանց, ամոթխած նշեցին. «վա», մեր տարիքում»:

«Մեզ գրեթե ամեն օր շնորհավորում են եւ, իհարկե, դիմում խնդրանքներով՝ կարող է, արդյոք, Նիկոլը օգնել սրա կամ նրա որդուն աշխատանքի տեղավորելու հար-

ՍՊՈՐՏԻՆ ՄԱՅՐԵՆԻՆ

...ԵՎ ՄՏԱՅԱՆ ԱՎԱՐՏԱԿԱՆ ՎԿԱՅԱՎԱՆՆԵՐ

2018 թվականի հունիսի 21-ին, Հայ Առաքելական Ուղղափառ Սուրբ Եկեղեցին նշեց Սրբոց Թարգմանաց տոնը:



Տոնին նվիրված Վիրահայոց թեմի Թբիլիսիի Սուրբ Էջմիածին եկեղեցում Սամցխե-Ջավախեթի եւ Ծավկայի ընդհանուր առաջնորդական փոխանորդության Ախալցխեի Սուրբ Գրիգոր Լուսավորչի եկեղեցու հոգևոր հովիվ եւ հոգևոր տեսուչ հոգեշնորհ Տեր Հակոբ արքեպիսկոպոստ Սահակյանի կողմից մատուցվեց Սուրբ եւ Աննաի Պատարագ: Պատարագին ներկա էին հայերենի ուսուցման «Սուրբ Գրիգոր Նարեկացի» շաբաթօրյա եւ «Սուրբ Եղիա Մարգարե» կիրակնօրյա վարժարանների սաները, նրանց ուսուցիչները, ծնողները:

Հավարտ Սուրբ Պատարագի, Տեր Հակոբ արքեպիսկոպոստի եւ «Հայարտուն» կենտրոնի հոգևոր տեսուչ արժանապատիվ Տեր Մանուկ քահանա Ջեյնալյանի առաջնորդությամբ հայերենի ուսուցման վարժարանների սաներն այցելեցին Թբիլիսիի Հայ գործերի եւ հասարակական գործիչների կոնգրեսի պանթեոն, որտեղ «Հոգվոց» ասվեց այստեղ հանգչող ազգի մեծերի հոգու խաղաղության համար:

Վիրահայոց թեմի կրթության բաժնի տնօրեն Եվգենյա Մարկոսյանը զնահատանքի խոսքեր ուղղեց «Սուրբ Գրիգոր Նարեկացի» շաբաթօրյա եւ «Սուրբ Եղիա Մարգարե» կիրակնօրյա վարժարանների ուսուցիչներ Ռոզա Ջոհրաբյանի, Թամարա Գաբրյանի եւ Ռեյլի Կարապետյանի գործունեությանը, որի արդյունքում հնարավորություն է ընձեռվում հայերենից կտրված տարբեր տարիքի հայորդիներին սովորելու մայրենին:

Վիրահայոց թեմի կրթական բաժնի տնօրենի ձեռամբ շրջանավարտներին բաժանվեցին վարժարանն ավարտելու վկայականներ: Միջոցառումն ավարտվեց խմբովի եղիչ Զարենցի «Ես իմ անուշ Հայաստանի» բանաստեղծության արտասանությամբ:

ՍՊՈՐՏ

ՖՈՒՏԲՈԼ. ԶԱՐՄԱՆԱԼԻ ԱՆԱԿՆԿԱՆՆԵՐՈՎ ՀԱԳԵՑՎԱԾ ԱՌԱՋՆՈՒԹՅՈՒՆ



Ինչպես արդեն հաղորդել ենք, Ռուսաստանի 11 քաղաքներում հունիսի 14-ին մեկնարկեց եւ մինչեւ հունիսի 15-ը կշարունակվի ֆուտբոլի աշխարհի 21-րդ առաջնությունը:

Ներկայիս առաջնությունը, առանց չափազանցման, կարելի է համարել «ֆուտբոլային հեղինակությունների» անտեսման մշակույթ, քանզի համաշխարհային ֆուտբոլում «եղանակ ստեղծող» հավաքականներից եւ ոչ մեկին չի հաջողվել ցուցաբերել առաջնության բացահայտ լիդերին արժանավոր խաղ:

Ստորեւ ներկայացնում ենք հունիսի 14-ից մինչեւ հունիսի 22-ը ներառյալ խմբային մրցաշարի առաջին տուրի եւ մինչ այդ երկրորդ տուրի անցկացված (բացառությամբ այդ օրվա երկու հանդիպումների) հանդիպումների արդյունքները:

A խումբ.
Ռուսաստան-Սաուդյան Արաբիա՝ 5:0, Եպիպտոս-Ուրուգվայ՝ 0:1, Ռուսաստան-Եգիպտոս՝ 3:1, Ուրուգվայ-Սաուդյան Արաբիա՝ 1:0:

B խումբ.
Մարոկկո-Իրան՝ 0:1, Պորտուգալիա-Իսպանիա՝ 3:3, Պորտուգալիա-Մարոկկո՝ 1:0, Իրան-Իսպանիա՝ 0:1:

C խումբ.
Ֆրանսիա-Ավստրալիա՝ 2:1, Պերու-Դանիա՝ 0:1, Դանիա-Ավստրալիա՝ 1:1, Ֆրանսիա-Պերու՝ 1:0:

D խումբ.
Արգենտինա-Իսլանդիա՝ 1:1, Խորվաթիա-Նիդերլանդներ՝ 2:0, Արգենտինա-Նիդերլանդներ՝ 0:3, Նիդերլանդներ-Իսլանդիա՝ 2:0:

E խումբ.
Կոստա-Ռիկա-Սերբիա՝ 0:1:

Բրազիլիա-Շվեյցարիա՝ 1:1, Բրազիլիա-Կոստա-Ռիկա՝ 2:0:
F խումբ.
Գերմանիա-Մեքսիկա՝ 0:1, Շվեյցարիա-Կորեա՝ 2:0:
G խումբ.
Բելգիա-Պանամա՝ 3:0, Թունիս-Անգլիա՝ 1:2:
H խումբ.
Կոլումբիա-Ճապոնիա՝ 1:2, Լեհաստան-Սենեգալ՝ 1:2:

Նշենք, որ առաջնության խբային մրցաշարը կավարտվի հունիսի 28-ին: Ներկա դրությամբ, առաջին փուլի արգելազիծող հաղթանակներ են Ռուսաստանի, Ուրուգվայի, Ֆրանսիայի, Խորվաթիայի հավաքականները:

ՄԵՐ ԱՐՏՅՈՍ ՅՈՐՊԱՆՅԱՆԻ ՀԵՐԹԱՎԱՆ ՈՍԿԻՆ



Վրաստանի վաստակավոր մարզիչ Ատոն Երանոսյանը իր սան, մրցաշարի հաղթող Արտյոմ Յորդանյանի հետ:

Եզրագիծը հաստեց Մոսկվայի Օլիմպիական խաղերի մասնակից, Եվրոպայի 1977 թվականի չեմպիոն եւ Խորհրդային Միության եռակի չեմպիոն բռնցքամարտիկ Դավիթ Կվանաձեի Թբիլիսիում անցկացվող ավանդական հուշամրցաշարը, որին մասնակցում էին Վրաստանի, Հայաստանի, Ադրբեջանի, Ուկրաինայի, Ռուսաստանի, Բելառուսի եւ Մոլդովայի հավաքականները:

Մրցաշարում Վրաստանի հավաքականի մարզիկները նվաճեցին չորս ոսկե, հինգ արծաթե եւ հինգ բրոնզե մեդալներ: Ոսկե մեդալի արժանացան թբիլիսցիներ Ալեքսանդր Դոկվաիձե (81 կգ քաշային կարգ), Լաշա Գուրուլին (64 կգ), Եսկերխան Մադիել (69 կգ), ախալքալաքցի Արտյոմ Յորդանյանը (89 կգ): Երկրորդ տեղը զբաղեցրին Կոնստանտին Խվիտանը (81 կգ), Գիորգի Խարաբաձե (75 կգ), Սախիլ Ալահվերդիել (49 կգ), Նոթար Դարբաիձե (52 կգ): Բրոնզե մեդալների արժանացավ ախալքալաքցի Արտյոմ Գոմցյանը (56 կգ): Վնասվածքի պատճառով մրցաշարին չմասնակցեց Վրաստանի բազմակի չեմպիոն ախալքալաքցի Օթար Երանոսյանը:

ԹԻՎԱՐՈՒԹՅՈՒՆ. ՈՍԿԵ ՄԵՂԱԸ ԵՎՐՈՊԱՅԻ ԱՌԱՋՆՈՒԹՅՈՒՆՈՒՄ



Սերբիայի մայրաքաղաքում անցկացվեց կանոնի եւ բարդակալի Եվրոպայի առաջնությունը: Մրցաշարում կանոնի թիավարության 200 մետրի մրցումներում հաջողությամբ հանդես եկավ 2016 թվականի Ռիոյի օլիմպիադայում հինգերորդ տեղը զբաղեցրած վրաց մարզիկ Ջազա Նադիրաձե: Նա այդ մարզածեւում արժանացավ ոսկե մեդալի: Հիշեցնենք, որ Ջազա Նադիրաձե անցյալ տարվա աշխարհի առաջնության երկրորդ եւ Եվրոպայի առաջնության երրորդ մրցանակակիրն էր: Ջազա Նադիրաձե առաջին անգամ արժանացավ Եվրոպայի չեմպիոնի կոչման եւ նվաճեց 2019 թվականին Մինսկում անցկացվելիք Եվրոպական խաղերի մասնակցի ուղեգիր:

ԵՐԻՏԱՍԱՐԴ ՏԱՂԱՆԴԵՐ

ԼԻԶԱ ԲՈՒԴԱԳԱՇՎԻԼՈՒ ԱՆՀԱՏԱԿԱՆ ՅՈՒՅԱԶՆԵՂԵՍԸ ՎԱՆԱՋՈՐՈՒՄ

Հայաստանի Վանաձոր քաղաքի կիրառական արվեստի թանգարանում մեծ հաջողությամբ անցավ Թբիլիսիի կոնսերվատորիայի ուսանողուհի Լիզա Բուդագաշվիլու գեղանկարների անհատական ցուցահանդեսը:



Ջին անգամ Լիզան իր կտավները ներկայացրել էր Իտալիայի Ադրիա քաղաքում, որտեղ միաժամանակ նրա երաժշտական ձեւավորմամբ, անցկացվեց հեղինակի պոեզիայի երեկոն: Այս նրա կտավները ցուցադրվեցին Թբիլիսիում Վրաստանի կոնսերվատորիայի միությունում, եւս երկու անգամ Ավստրիայի մայրաքաղաք Վիեննայում:

Վանաձորում կազմակերպված ցուցահանդեսը Լիզա Բուդագաշվիլին նվիրել էր Վրաստանի անկախության հռչակման 100-ամյակին:

ՌԵՎԱԶ ԹՈՓՈՒՐԻԱ

ՌԵԴԱԿՏՈՒԹՅՈՒՆ

ՓՈԽՎՈՒՄ Ե «ՎՐԱՍՏԱՆ» ԹԵՐԹԻ ԷԼԵԿՏՐՈՆԱՅԻՆ ՓՈՍՏԻ ՀԱՍՑԵՆ


2018 թվականի հունիսի 1-ից «Մագֆիկոն» ՍՊԸ փակում է ստորեւ ներկայացված դոմենների շրջանակներում գործող Internet.ge, Caucasus.net, Sanet.ge, Gol.ge, Online.ge, Telenet.ge էլեկտրոնային փոստի հասցեները: Համապատասխանաբար «Վրաստան» թերթի vraстан@caucasus.net էլեկտրոնային փոստի հասցեն վերափոխվում է:

Սույն թվականի հունիսի 1-ից «Վրաստան» թերթի էլեկտրոնային փոստի հասցեն է՝ vraстан.press@gmail.com

ՐԻՇԱՏԱԿԻ ԽՈՍՔ

ՎԱԼԵՐԻ ՊԱՐՏՈՒԳԻՍՈՎ

Կյանքից հեռացավ Թբիլիսիի տաղանդավոր լրագրող, բարի եւ առատ հոգու տեր Վալերի Պարտուգիմովը: Հայրենական մեծ պատերազմում զոհված հոր Վլադիմիր Պարտուգիմովի եւ լրագրող «Սովետական Վրաստան» թերթի ինֆորմացիայի բաժնի վարիչ Գոհար Պարտուգիմովայի ընտանիքում ծնված Վալերին, Թբիլիսիի Պուշկինի անվան պետական մանկավարժական համալսարանի բանասիրական ֆակուլտետում ավարտելուց հետո, աշխատել է «Չարյա Կոստոկա» թերթի խմբագրությունում: Անցյալ դարի 70-ական թվականներին տեղափոխվելով Մոսկվա, դասախոսել է Մոսկվայի միջազգային հարաբերությունների ինստիտուտում, խմբագրել բուհական թերթը:



1980-ական թվականներին զբաղվել է բիզնեսով: 2009-2014 թվականներին Վալերի Պարտուգիմովը եղել է Ռուսաստանում եւ ԱՊՀ երկրներում «Վիչեր-Նի Տբիլիսի»+«Ուլջ Վրաստան» թերթի խմբագրության շեֆ թղթակիցը:

Վալերի Պարտուգիմովը կմնա բոլոր նրանց հիշողության մեջ, ովքեր ծանաչել, բարեկամական կապեր են ունեցել նրա հետ կամ ուղղակի սովորական ծանոթ են եղել:

ՄԻ ԽՈՒՄԲ ԳՈՐԾԵՆԿԵՐՆԵՐ

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vraстан.ge E-mail: vraстан@caucasus.net

Գրանցման վկայական № 4 4 - 1439 «ԿՈԼՈՐ» հրատարակչություն

«ՎՐԱՏԱՆ» Тбилиси, Грузия <VRAСТAN> Georgia, Tbilisi Индекс 66445